



საქართველოს საავტომობილო გზების დეპარტამენტს


საქართველოს გარემოს დაცვისა და სოფლის მეურნეობის სამინისტრომ განიხილა გარემოსდაცვითი გადაწყვეტილების მიღების მიზნით წარმოდგენილი თქვენი 2020 წლის 29 დეკემბრის N20850 განცხადება, რომელიც ეხება მარტვილის მუნიციპალიტეტში, შიდასახელმწიფოებრივი მნიშვნელობის სალხინო-დადიანების სასახლესთან მისასვლელი საავტომობილო გზის კმ 5+530-ზე მდ. ვახაზე არსებული სახიდე გადასასვლელის ნაცვლად ახალი სახიდე გადასასვლელის მოწყობისა და ექსპლუატაციის გარემოზე ზემოქმედების შეფასების ანგარიშის დამატებით ინფორმაცია/დოკუმენტაციას.

როგორც სამინისტროს 2020 წლის 11 დეკემბრის N11764/01 წერილით გეცნობათ, წარმოდგენილ გზმ-ის ანგარიშში დაზუსტებას საჭიროებდა საქმიანობასთან დაკავშირებული სხვადასხვა საკითხები, მათ შორის ინფორმაცია წყლის საანგარიშო ხარჯების შესახებ, რაც წარმოდგენილ დამატებით ინფორმაციაში კვლავ არ არის გათვალისწინებული. გზმ-ის ანგარიშში მოცემული წყლის საანგარიშო ხარჯის გამოსათვლელ ფორმულაში, წარმოდგენილი მონაცემების გაანგარიშების მიხედვით, მიღებულია ანგარიშში წარმოდგენილი მონაცემებისაგან განსხვავებული მნიშვნელობა, კერძოდ (1%-იანი უზრუნველყოფის) წყლის საანგარიშო ხარჯის მნიშვნელობა 88,1 მ³/წმ უნდა შეიცვალოს 131,5 მ³/წმ სიდიდით. გარდა ამისა, საჭიროა დაზუსტდეს საანგარიშო ხარჯზე დამოკიდებული ყველა საპროექტო სიდიდე (საანგარიშო დატბორვისა და კალაპოტის წარცხვის დონეები). ამასთან, კორექტირებული ჰიდროლოგიური ანგარიშის საფუძველზე უნდა მოხდეს საპროექტო ხიდის პარამეტრების დაზუსტება.

გთხოვთ, ერთი თვის ვადაში უზრუნველყოთ დაზუსტებული/დამატებითი ინფორმაციის წარმოდგენა სამინისტროში. აღნიშნული შენიშვნების გათვალისწინებით დაზუსტებული

ინფორმაციის წარმოდგენამდე სამინისტრო მოკლებულია შესაძლებლობას გასცეს გარემოსდაცვითი გადაწყვეტილება.

ნინო თანდილაშვილი



მინისტრის მოადგილე

